


聖濟總錄

百全

|      |           |
|------|-----------|
| 庫文閣内 |           |
| 函    | 漢         |
| 300  | 212       |
| 内閣文庫 |           |
| 番號   | 漢 12609   |
| 冊數   | 200 (181) |
| 函號   | 300 212   |





大德堂校理清池錄卷第一百八十三

乳石發熱

乳石發熱失度

乳石發熱燥熱

乳石發熱

乳石發熱上衝及身熱

乳石發熱吐血

乳石發熱

乳石發熱

乳石發熱



大學東  
校典藉  
局之印



大德重校聖濟總錄卷第一百八十三

乳石發動門

乳石將適失度

乳石發動寒熱

乳石發渴


乳石發動上衝頭面及身體壯熱

乳石發動吐血衄血

乳石發目昏赤痛

乳石發癰疽發背瘡腫

乳石發身體生瘡





乳石發口舌瘡爛

此石發口舌瘡爛

此石發口舌瘡爛

此石發口舌瘡爛

此石發口舌瘡爛

此石發口舌瘡爛

此石發口舌瘡爛

此石發口舌瘡爛

此石發口舌瘡爛

大醫家錄卷一百八十三



乳石發動統論

論曰內經謂石藥性悍非緩心和人不可服夫聖人垂

訓深矣世之服乳石者至於輕生傷性恃毫髮所得不

戒夫毒烈之過天於中道十有七八夫豈知大治範形

精全神固和理均足初無加損也能者養以取福則全

生盡年若乃情實一開嗜慾滋甚方且資剛暴勇猛之

劑以蘄補養積之賦滄洩之尾闕果何所賴耶說者乃

以益氣補精安五藏通百節利九竅延年益壽利人如

此其多謂不可不食其食也乃分少穉強壯之先後又

以石精石滓分上士下士所服之優劣夫以其有益於







陽事不節氣上方

右宜數飲食補之節禁陽事即差

治乳石發動關節強直不可屈伸者此為久停息不自

勞曳藥氣不散漸侵筋血方

右宜出力使溫冷水洗之即差

治乳石發動身體痛楚無常處如遊風者此為犯熱所

作方

右宜冷洗以冷石熨之即差

治乳石發動服藥心悶亂者此為服溫藥與疾爭力方

右當大吐或不吐病當困斃若吐不絕者可冷食飲

即差若絕不識人口不開者亦當琢齒以熱酒灌之入

咽吐出者更當與之但得酒氣下通不半日即蘇

治乳石發動臂脚偏急痛苦者此為久坐臥溫熱不自

移轉氣入肺脾胃方

右勤以布巾浸冷水搨之覺溫則易三日即差

治乳石發動似傷寒溫瘧者此為犯熱方

右宜以常治傷寒溫瘧藥救之但勿服熱藥耳其傷

寒藥等皆除熱破癖不與寒食相妨故通服也凡服

寒食雖已熱解而更病者要先以寒食救之終不中

冷



治乳石發動脫衣便寒着衣便熱此為脫着失度方

右小寒自可着衣小溫便可脫衣及冷洗之即爽應

洗勿疑若忍之則病成矣

治乳石發動脉洪實或斷絕不足似死脉或細數弦駛

其所犯非一熱多則弦駛有癖則洪實急痛方

右宜寒食自無所苦蓋熱藥發動率常如此

治乳石發動夜不得睡者此為食少熱在內方

右當服大黃黃芩梔子三黃湯數進冷食自得睡也

治乳石發動眩冒欲倒者此為衣厚犯熱方

右宜冷水淋頭并洗之即差

治乳石發動脚疼欲折者此為久坐溫處方

右當單牀薄衣勿怠行役并以冷水洗浴即差

治乳石發動食患冷不下者此為久冷食口中不知味

方

右當作白酒糜多着酥熱食一兩頓若小悶者還令

不冷飲食即差

治乳石發動下部殞爛者此為所坐薦蒲厚熱方

右當坐冷水中即差

治乳石發動百節痠疼者此為臥處太厚又蓋覆被衣

溫厚不時脫去方



右當單牀簿被衣或以冷水洗勿着故垢衣雖冬寒亦須散髮受風仍以冷石熨其衣衣勿繫帶若犯此煩悶者急入冷水浴勿忍病而畏冷也

治乳石發動遺失大便不自覺者此為熱氣入胃大腸不禁方

右當冷水洗之即差

乳石發動寒熱

論曰乳石發動寒熱者以石熱壅積將適失度陰陽之氣不得和平也蓋陽病發熱陰病發寒一於熱則偏於陽一於寒則偏於陰時寒時熱則榮衛交爭陰陽相勝

若傷寒諸瘡之狀是也

治諸石發動口乾時作寒熱似鬼神病麥門冬丸方

麥門冬去心焙 大黃剉

菱蕤 梔子人 五加皮剉

黃芩去黑心 犀角鎊 芍藥

升麻 大青各壹兩 甘草炙參分

右一十二味搗羅為末鍊蜜搜和更擣勻熟丸如梧桐子大每食後以蜜水下十五丸漸加至二十丸

治乳石發動口乾寒熱似鬼神為病犀角丸方

犀角屑 五加皮剉 黃芩去黑心各壹兩



苦參

大黃剉碎

芍藥各壹兩半

大青

甘草各參分

麥門冬去心

右九味搗羅為末鍊蜜和丸如梧桐子大食後以蜜

水下十五丸漸加至二十九丸早晨日午晚後各一服

治乳石發動傷寒寒熱狀兼似瘧前胡湯方

前胡去蘆

黃芩去黑

甘草炙

知母各貳兩

牡蠣熬

石膏各參兩

右六味麤搗篩每服四錢匕以水一盞半入生薑一

棗大切棗二枚擘破煎至八分去滓溫服

治乳石毒經二三十年發動為寒熱或慄慄似寒中者

或欲食或不欲食若服紫石英發熱者熱悶昏昏喜臥

起便無力皆府氣所生藏氣不知舉石熱燥如戰石硫

黃熱鬱如熱極者身並破裂華佗芍藥湯方

芍藥

赤茯苓去黑皮

人參

藍實

黃芩去黑心

甘草炙赤各壹兩

薺苳貳兩

蔓菁子壹升

右八味除蔓菁子外搗為麤末每五錢匕用水四盞

先煮蔓菁子一合至三盞去滓次下藥末煎至一盞

半去滓分溫三服早晨日午晚後各一服

治乳石發動兢戰惡寒或發熱如溫瘧此為失食忍飢



失洗所致宜此方

右宜急食冷食及冷水洗數徧即愈

治乳石發若得時氣冷熱不調動乳者皆是寒熱所致其狀似瘡久不療損人性命縱服湯藥必是難差宜作生熟湯浴之方

右以温湯半浴盆如過熱投少冷水解之即於湯中坐須臾百節開寒熱之氣皆從毛孔中出變作流汗若心中熱悶者還服少許熱湯即定久乃出湯以衣被覆蓋睡豁然平復如患太重者不過三兩度也

乳石發渴

論曰石性沉下服之歸腎若發動則府藏生熱津液枯燥蓋腎惡燥腎燥則渴而引飲不可為量久則變為三消之證

治乳石發動虛熱大渴生地黃湯方

生地黃剉兩

竹葉切貳握

小麥半升

黃耆剉

黃芩去黑心

木通剉

前胡去蘆頭

栝樓根

大黃剉炒各壹兩半

芍藥

升麻

甘草炙剉

知母焙

赤茯苓去黑皮

人參

當歸切焙各壹兩



石一十六味剉如麻豆每服五錢匕水二盞同煎至一盞去滓不拘時溫服

治乳石發動熱渴口乾黃耆湯方

黃耆剉

麥門冬去心

芍藥

栝樓根各參

生乾地黄焙 梔子人參拾

升麻貳兩

黃芩去黑心

右八味麤搗篩每服四錢匕水一盞半煎至一盞去

滓不拘時溫服

治乳石發虛熱上衝口乾頭面熱赤大渴葛根煎方

生葛根搗汁

白蜜搗汁 生地黄搗汁

生薑汁參分

棗肉貳兩

生麥門冬去心

右六味同於微火上以銀石器煎成如餠用瓷合盛每服半匙頭不拘時含化

治乳石發熱渴葱白飲方

葱白切

葫蘆切

薺芩剉

人參切 枸杞碎各

右四味麤搗篩每取二兩以水二椀煎至一椀去滓分溫二服空心日午近晚各一

治乳石發熱渴竹葉湯方

淡竹葉切

赤茯苓去黑皮

石膏碎



栝樓根壹兩 小麥壹兩

右五味麤搗篩每服五錢匕水一盞半煎至一盞去滓不拘時溫服

治服乳石將適失度飲食冷熱不消虛脹吐清水渴悶人參湯方

人參 枳殼去麩炒 甘草炙

栝樓根剉 白朮各壹兩

右五味麤搗篩每服四錢匕水一盞半棗二枚擘破同煎至一盞去滓溫服不拘時

治乳石發熱盛口乾茯苓湯方

白茯苓去黑皮肆兩 澤瀉貳兩 白朮

乾薑炮 桂去麩皮 甘草炙剉各壹兩半

小麥貳兩

右七味麤搗篩每服三錢匕水一盞煎至七分去滓不拘時溫服

治乳石發壅熱煩悶渴躁枳實湯方

枳實去麩炒 赤茯苓去皮 石膏碎各半兩

右三味麤搗篩每服五錢匕水一盞半煎至一盞去滓溫服不拘時

治乳石發熱盛煩躁口乾桃人粥丸方



桃人去皮尖并雙

白米升

右二味以小一斗煎取五升渴即不拘多少飲之

治乳石發渴黃連丸方

黃連去須

麥門冬

去心焙

生地黄

取汁

羊乳合

栝樓根

取汁

右五味先以黃連麥門冬二味擣羅為末次以三味

汁和衆手丸如梧桐子大每服二十九米飲下不拘

時

治乳石發動大渴方

生田螺參升以水

益右一味又以新汲水一斗浸一復時澄取清汁不拘  
時飲之其田螺經宿放却不用更取新者如前法浸  
之

治乳石發渴方

竹根

洗剉

右一味以水五椀濃煮取汁渴即飲之

治乳石發渴方

青梁米

右一味以水煮取汁飲之

治乳石發渴方



治乳石發渴方

右一味每取三合以水三升煎取汁二升時時飲之

治乳石發渴方

黃蘗半斤去皮剉

右一味每服二兩水五盞煎至三盞渴即飲之

乳石發動上衝頭面及身體壯熱

論曰乳石發動上衝頭面及身體壯熱者由將適過度藏府否塞氣不得宣通也夫服乳石者以能捍風寒逐冷濕導經脉益飲食也然在陰則補其不足在陽則能益其慄悍若陰盛陽虛則石氣發露此所以熱衝頭面

身體也

治乳石發胸背頭中遊熱黃耆湯方

黃耆剉

芍藥

甘草炙

赤茯苓去黑皮

人參

石膏碎

生地黄切

生薑切

麻黃去根節湯煮掠去沫

麥門冬去心焙

桂去麤皮

壹兩

右一十一味麤搗篩每服四錢匕水二盞入竹葉十片棗二枚擘破同煎至八分去滓溫服早晨日午夜

臥各一

治乳石發動身熱如火黃芩湯方



黃芩去黑枳實去穢炒梔子人枚拾肆

枳椇根厚朴去麤皮生芍藥

甘草炙各壹兩

右七味麤搗篩每服四錢匕水二盞煎至一盞去滓

溫服早晨日午食前各一

治乳石發熱如火頭痛煩悶寒熱嘔逆升麻湯方

升麻去蘆前胡去蘆甘草炙各貳兩

黃芩去黑生地黄切焙各參兩枳殼去穢炒

黃連去須枳椇根剉焙各壹兩梔子人枚拾肆

右九味麤搗篩每服四錢匕水二盞入豉一合綿裹

同煎至一盞去滓溫服早晨日午各一心煩加麥門冬一兩稍冷加生薑一兩

治桃花石發即心噤身熱頭痛宜溫清酒隨多少服之

酒行即差亦可服大麥麩并此麥奴湯方

大麥奴陰乾麥門冬去心焙各貳兩桂去麤皮壹兩半

人參炙各壹兩甘草壹兩

右五味麤搗篩每服四錢匕水二盞入葱白四寸同

煎至一盞去滓溫服早晚食前各一

治乳石發食訖心煩悶寒熱頭眩胸中不安者茵陳蒿

湯方



茵陳蒿肆兩

梔子人貳拾枚

大黃貳兩

右三味麤搗篩每服三錢匕水一盞煎至七分去滓

溫服空心早晚食前各一

治乳石發動忽大熱多欲就臥冷地又不得食諸熱麩

熱酒方

五加木根葉皮貳兩

右一味麤搗篩每服四錢匕水一盞煎至七分去滓

溫服

治乳石發熱除熱蜂房湯方

露蜂房貳兩

右一味剉碎以水三盞煎至一盞去滓頓服若不定  
隔三五日再服

治金石發熱及諸熱暴赤目方

冬葵子貳合

朴消壹合

右二味以水二升同煮至一升去滓分三服空心早  
晚食前各一

治金石發熱及諸熱朴消丸方

朴消鍊成

右一味研成粉鍊蜜丸如梧桐子大每服二十九食  
後蜜水下服金石經年覺身中少熱即以此丸壓之



每夜臥時服三十至四十丸取胸膈涼為度若有時  
惠及發者即取朴消粉一匙空心水調服之以利為  
度凡朴消取色白而不着風者佳色黃者傷人

治乳石心下煩悶內熱不安冷石湯方

凝水石兩半

右一味以水半盞磨汁服之不差再作

治乳石發麻黃湯方

麻黃

去根節湯煮  
掠去沫貳兩

石膏

碎壹兩

黃芩

去黑心  
壹兩半

右三味麤搗篩分作兩貼每貼以水三盞煎至二盞

去滓內雞子白二枚芒消末一錢熱攪令沫出以塗  
摩瘡上即差

治石藥發動上衝頭面疼痛浮腫心神恍惚防風湯方

防風

去

當歸

焙切

澤瀉

威靈仙

去

甘草

炙

黃連

去

虎杖

各壹兩半

石葦

去毛

天門冬

去心

白石脂

研

槐實

炒

地榆

各貳兩

石膏

椎碎  
參兩

生地黄

切焙  
陸兩

大黃

剉

黃芩

去黑心

犀角

鎊

消石

研各壹兩

右一十八味咬咀每服五錢匕以水一盞半入生薑



一分拍碎同煎取八分去滓溫服

乳石發動吐血衄血

論曰乳石發吐血或衄血者以石氣壅遏於心肺生熱故也心主血血得熱則湧溢復因胃氣之逆故吐血也肺主氣開竅於鼻氣血調和相為榮衛及為熱所乘則血妄行故為鼻衄也

治乳石發動心悶吐血麥門冬湯方

麥門冬去心焙壹兩

生地黃貳兩

甘草炙

薺芩

茅根

乾薑炮各壹兩

右六味剉如麻豆大每服三錢匕水一盞入豉二七

粒煎至七分去滓溫服空心日午各一盞

治因餌乳石發心肺中熱鼻中衄血連翹飲方

連翹莖葉新者壹兩

生地黃貳兩

蒼耳莖葉新者

治陳橘皮湯浸去白

雞蘇莖葉新者各壹兩

右五味剉碎以水少許都搗令爛生絹絞取汁每服

三合不拘時未止再服

治乳石發動鼻衄頭痛壯熱徧身疼痛煩悶小薺湯方

小薺剉貳兩

雞蘇剉壹兩

青竹筍新竹取壹兩半

治麥門冬去心焙

生地黃切碎各貳兩

右五味剉如麻豆大每服三錢匕水一盞入生薑三



片煎至七分去滓不拘時溫服日三一匙入土煎三

治乳石發動心肺熱甚鼻中衄血不止吹鼻散方

胡粉研

墨研

乾薑為末

髮灰研

錮墨研

伏龍肝為末各半錢

右六味同研以一字許吹鼻中一法六味中但得一

味末用一字吹兩鼻中亦止合散土煎三匙更水煎別

治乳石發卒吐血一二升口鼻俱出者麥門冬飲方

生麥門冬去心絞汁壹盞

生地黄絞汁壹盞

小薊切碎絞汁壹盞

伏龍肝末貳兩

右四味前三味各入少水絞取汁相和勻每服二合

入伏龍肝末三錢匕調下每日空心一服日午再服

治乳石發熱盛吐血衄血生地黄湯方

生地黄切碎伍兩

梔子人貳拾枚

小薊根切參兩

黃芩去黑心壹兩

右四味剉如麻豆大每服五錢匕水一盞半入豉二

七粒煎至一盞去滓溫服空心日晚各一服

治乳石發衄血生地黄飲方

生地黄切絞汁

小薊根切絞汁

右二味合和令勻分溫作三服早晨日晚各一

治乳石發目昏赤痛

總錄一百八十三



論曰乳石發目昏赤痛者由石勢乘虛而上亦膈內有痰熱也石性歸腎若將適失宜飲食失度則其氣騰湧與痰熱并穢熏蒸於肝故令目昏赤痛也

治乳石發目昏赤痛不覩物大黃湯方

大黃剉一盞去須去心日石膏研各二兩

黃芩去黑心甘草剉細辛去苗

半夏湯洗去滑山梔子人一枚

右八味麤搗篩每五錢匕水三盞入生薑一分拍碎

煎至一盞半去滓分溫三服早晚服

治乳石發目赤閉目不開煩悶熱氣胸中澹澹瀉肝前

胡湯方今食前服

前胡去蘆山梔子人一枚乾薑炮

車前葉三兩淡竹葉各二兩大青

秦皮剉決明子碎細辛去苗

黃芩去黑心石膏研

右一十一味麤搗篩每五錢匕水三盞煎五六沸下

芒消一錢匕煎至一盞半去滓分溫三服得利即差

治乳石發目赤痛小便赤大便難逆衝胸中口燥黃芩

湯方

黃芩去黑心大黃剉炒各二兩山梔子人一枚



右三味麤搗篩每服三錢匕水一盞煎至七分入豉  
一合更煎三五沸去滓溫服取利三兩行以漿水粥  
飲止之

治乳石發腰痛欲折兩目欲脫者為熱上肝膈腰腎冷  
極故也黃連飲方

黃連

去須

萎蕤

各壹兩

甘草

炙剉半兩

右三味麤搗篩以水三盞煎至一盞去滓內朴消一  
錢匕更煎二三沸分溫二服取微利差

治乳石發日痛如刺者為熱氣衝肝上目小便洗方  
右數冷食清朝溫小便洗三日即差

治乳石發日生赤脉息肉磳痛不開棗肉黃連點方

棗

柴枚去核

黃連

去須碎壹兩綿裹

淡竹葉

切壹握

右三味先以水三盞煎竹葉至一盞半去竹葉澄清  
內棗黃連煎至三合綿濾去滓每日臨臥點日大眦

即差

治乳石發目赤痒丁香黃連點方

丁香

貳柴枚碎

黃連

去須

黃蘗皮

切各半兩

蕤人

研柴枚

五銖錢

壹拾文

右五味以水二盞煎至六分綿濾去滓點日大眦頻

點取差



治乳石發久風目赤青鹽點方

青鹽研壹兩

杏人

去皮尖貳兩微炒研爛以少湯同研勻帛裏壓油出用半

雞子殼

右二味用銅盆一隻面闊一尺者內油鹽取青柳枝

如筋大者一握緊束之截頭令齊用研之候如稠墨

即先剝地作坑置瓦於坑底上取熟艾一鵝卵大安

瓦上燒之即安前藥盆合在坑口上以煙熏之火盡

藥成收於不津器中每夜點目大背即臥頻點取差

治乳石發目瞤雄黃散點方

雄黃研

乾藍各半兩

右二味搗研為散每用一米大醫上點之三五度即

差

治乳石發眼腫痛不開豬肉貼方

右取精豬肉薄切貼眼上熱即易之一方用子肝以

井華水浸貼之

乳石發癰疽發背瘡腫

論曰乳石性本炎悍服者苟將適失度食飲不時致熱

毒發泄不擇所出或癰疽發背或腸癰澼膏不可勝治

間雖有未嘗服乳石而毒氣潰漏如是者亦以府藏久

蓄熱毒或以胞胎之初稟受石氣其來有自治法當先



以疎利之劑敗其毒而外施傅貼之術

治乳石發動癰疽發背諸腫毒五香連翹湯方

連翹去梗 木香

薰陸香研 麝香研 射干

升麻 獨活去蘆頭 桑寄生剉

木通剉各二兩 大黃剉參兩 丁香壹兩

右一十二味除麝香外麝搗篩和勻每服五錢匕水

二盞煎至一盞半去滓入竹瀝二分再煎沸溫服不

拘時

治乳石發動癰疽發背熱渴麥門冬湯方

麥門冬去心焙 赤茯苓去黑皮 生乾地黄焙

石膏碎 升麻 人參

知母焙 芎藭 山梔子各一分

小麥升半 黃耆剉炙 甘草炙

枳實炒 芍藥各壹兩 黃芩去黑心

前胡去蘆頭各壹兩半

右一十六味剉如麻豆大每服五錢匕水二盞入生

薑五片棗一枚擘破竹葉十片同煎至一盞去滓溫

服不拘時

治乳石發動初覺皮膚有癰毒恐成癰疽及府藏壅滯



寒熱口乾心煩犀角湯方

犀角鎊

知母剉各半兩

木通剉

芍藥

升麻

薺菜

麥門冬去心

黃芩去黑心

甘草炙

萎蕤各一分

右一十味麤搗篩每服五錢匕用水二盞煎至一盞

下竹瀝半合馬牙消一錢更煎數沸濾去滓空心溫

服快利為度未利再服

治乳石發動癰疽內熱大渴黃耆湯方

黃耆炙

前胡去蘆頭

大黃剉炒各壹兩半

栝樓根貳兩

木通剉

黃芩去黑心

芍藥

赤茯苓去黑皮

甘草炙

知母焙

人參

當歸切

升麻

小麥各壹兩

人參研取汁

右一十五味除地黃外麤搗篩每服五錢匕以水二

盞竹葉二七片切碎煎至一盞去滓入地黃汁半合

再煎沸空心日晚各一服

治乳石發動癰疽虛熱人參湯方

人參

甘草炙

黃耆炙

芍藥各壹兩半

赤茯苓去黑皮

當歸切



芎藭

黃芩去黑心

木通剉各壹兩

右九味麤搗篩每服五錢匕以水二盞竹葉一十片

切碎生地黃汁少許煎至一盞瀉去滓溫服空心日

午各

治乳石發為癰疽五味子湯方

五味子炒

前胡去蘆頭

當歸切

黃耆剉

生乾地黃焙

人參各壹兩

小麥壹合

黃芩去黑心

麥門冬去心焙各壹兩半

甘草炙剉分

桂去麤皮

升麻各半兩

右一十二味麤搗篩每服五錢匕以水二盞棗一枚

擘破生薑三片煎至一盞去滓溫服空心日午各一

治乳石發為癰疽腫痛煩熱增損當歸湯方

當歸切

赤茯苓去黑皮

人參

前胡去蘆頭

黃芩去黑心各壹兩

桂去麤皮半兩

芍藥

甘草炙剉各壹兩

麥門冬去心焙貳兩

小麥壹合 竹葉半兩

右一十一味麤搗篩每服五錢匕以水二盞棗二枚

擘破煎至一盞去滓溫服空心日午各一

治乳石發動癰疽發背漏蘆湯方

漏蘆去蘆頭

白欬剉

黃芩去黑心



枳殼去瓤 麩炒

芍藥

甘草炙 剉

麻黃去根 節

升麻剉各 壹兩

大黃剉炒 壹兩半

右九味麤搗篩每服五錢匕水一盞半煎至一盞去

滓溫服空心日午各一

治乳石發動癰疽發背疎利毒氣大黃湯方

大黃剉炒 壹兩

梔子人

犀角屑各半 兩

栝樓根兩 貳

升麻

黃芩去黑 心

甘草炙 剉各 參分

右七味麤搗篩每服五錢匕用水一盞半煎至一盞

瀘去滓空心日午溫服

治乳石發動癰疽發背一切毒氣止痛化膿犀角丸方

犀角屑壹兩

大黃剉炒

黃芩去黑 心

升麻

防風去

當歸切 焙

人參

黃耆炙 剉

梔子人

黃連去 須

乾藍

甘草炙 各半 兩

巴豆拾枚 去皮 心炒 研細

右一十三味除巴豆外搗羅為末入巴豆和令勻鍊

蜜丸如梧桐子大每服五丸米飲下快利為効

治乳石發動癰疽發背一切熱毒及惡瘡黃耆丸方

黃耆炙 剉

犀角屑各壹 兩半

黃連去 須



茯神木去

當歸切

防風去

芍藥

升麻

赤茯苓去黑皮

黃芩去黑心

甘草炙各半兩

木通剉壹兩

麝香研半

右一十三味除麝香外搗羅為末入麝香研和勻鍊

蜜為丸如梧桐子大每服二十九生薑湯下未効加

至三十九

治乳石發動癰腫發背及臧府澁滯麻人丸方

大麻人研貳兩

木香參

枳殼去麩炒

大黃剉炒

惡實炒各壹兩

甘草炙半兩

右六味除麻人外搗羅為末入麻人研勻鍊蜜為丸

如梧桐子大每服二十九溫水下未効加至三十九

治乳石藥氣發熱風熱相并致癰腫瘡瘻經年不愈生

地黃煎方

生地黃伍斤洗切以木杵臼搗絞汁

黃精拾貳斤洗切以木杵臼搗

絞汁 白蜜伍斤

右三味汁相和於銀石器中慢火煎如膏為度以瓷

合盛每服生薑湯調下半匙至一匙日一或二夜一

治乳石癰毒發背無名異膏方

無名異研

沒藥研

麝香研



檀香剉

丹砂研

沉香剉

麒麟竭研

乳香研

突厥白剉

白欽剉

白及剉

白芷剉

雞舌香研

雞骨香研

當歸切

芎藭剉

大黃剉

牛膝剉酒

防風剉

槐枝剉

柳枝剉

桑枝剉

蠟兩

鉛丹拾貳

青油貳

右二十五味除油蠟丹及前八味研末外並剉碎先熬油令沸下檀香等一十四味剉藥煎候白芷赤黑

色絞去滓再煎入蠟鉛丹以柳篋攪候變黑色滴於水中成珠子輒輒得所後下無名異八味研末攪令勻以瓷合盛用故帛塗帖瘡上每日一次換以差為度

治乳石發癰疽瘡止痛生肌甜菜膏方

甜菜兩

生地黃

豬脂各貳

大戟炒壹

當歸切

續斷

白芷

莽草

芎藭

防風去義各

甘草炙

芍藥各參

蜀椒去目并合口

細辛去苗



大黃炒到

杜仲去麤皮

黃耆炙

黃芩去黑心 各壹分

右一十八味除豬脂外剉碎先熬脂令沸下諸剉藥

煎候白芷赤色絞去滓瓷合盛每日三五次塗傳瘡

上

治乳石癰疽發背瘡毒止痛吮膿必效膏方

油壹斤

鉛丹研陸兩

麝香研壹錢

膩粉研

蠟各參分

楓香脂壹兩半

丹砂細研半兩

鹽半兩

白芷剉

乳香研

當歸炙

桂去麤皮剉

芍藥剉

藁本去苗土剉

細辛去苗葉剉

蜜陀僧研各壹兩

右一十六味先將油煎令沸次下白芷等六味剉藥

煎候白芷赤色漉出下蠟楓香脂候鎔盡以綿濾

去滓下鉛丹蜜陀僧乳香以柳篋攪煎候變黑色滴

水中成珠子卽下鹽丹砂麝香粉等攪勻傾於瓷盆

內安淨地上一宿除火毒用故帛上攤貼日二以差

為度

治癰疽發背熱毒氣結腫痛堅韌止疼痛神效膏方

木通剉

甘草炙

當歸炙



白芷 防風去 細辛 去苗

梔子人 黃連去 黃芩 去黑心

垂柳枝 兩 鉛丹 兩 蠟 兩

清油 壹

右一十三味除丹蠟油外剉碎先以油內浸藥一宿於火上煎候白芷赤黑色絞去滓再煎卽下丹蠟柳篋攪候變黑色滴水中成珠子輒輒得所瓷合盛故帛上攤貼日二次以差爲度

治發背癰疽疼痛熱毒焮腫赤鞭有膿卽撮令頭潰蛇皮塗貼方

蛇皮 長伍尺細切炒黑色 芸薹子 壹兩 雞子 取白

蔓菁葉 兩 馬齒莧 兩 窰竈中黃埴 參兩

不着水者

右六味先細搗蛇皮芸薹子次下蔓菁莧埴末細研令勻次入雞子白和以瓷合盛塗故帛上貼之每日三五度換或瘡毒發熱卽研生地黃汁三五合飲之治黑瘡腫焮因乳石發動龍葵散方

右取龍葵根一握淨洗細切乳香研三兩杏仁去皮尖雙人六十枚黃連去須三兩同搗羅爲細末其瘡作頭未傍攻者卽須作餅厚如三四錢許可瘡大小



傳之瘡若覺冷微痒者卽易之痒不可忍切不得搔動直候一炊久卽看瘡中似石榴子戢戢著然後去藥時時以甘草湯微溫洗之洗了卽以蠟帛貼之瘡若傍攻作穴卽內藥於穴中以滿爲度瘡若赤色者卽是熱肉麩所爲不用龍葵根以蔓菁根代之黑瘡愈後只得食豬魚葱蒜終身更不得食羊血食卽再發

又方

右取甘草一斤二兩剉大麥三升黃連去須二兩同搗篩以沸湯和作餅貼瘡上乾卽易不過四五度差

又方

凡發背多於背兩胛間起如粟米或痛或痒不過數日遂至於死臨困之時已闔三寸高一寸瘡有數十孔以手按之諸孔皆膿出初有此候宜急取淨土水和爲泥捏作餅厚二分闊一寸半大作艾炷灸泥上百壯乾卽易餅仍服五香連翹湯及鐵漿攻之又發背未作大膿可水箭射之浸石令冷熨之差

論乳石發身體生瘡

論曰服石之法覺飢則食坐臥衣服如之則將適有度而石勢不作儻將適失度則其熱壅滯血氣澁結此身



體所以生瘡且屢鞣至微一過乎溫則足指生瘡况身體覆鼻周密之至鮮有不為患者

治乳石發熱體生細瘡并熱不已黃連湯方

黃連去須芒消各參兩

右二味以水七盞先煎黃連至四盞去滓內芒消末攪勻停溫以手巾蘸藥搗瘡上

治乳石發熱徧體生瘡兼氣力弱大黃湯方

大黃剉炒梔子人粒黃芩去黑心

麥門冬去心甘草炙剉各壹兩

又右五味麤搗篩每五錢匕水二盞煎至一盞去滓內

芒消末一錢匕更煎二兩沸分溫二服早晨夜臥各

一服

治乳石發熱身體微腫生瘡升麻湯方

升麻 萎蕤各壹兩半 黃芩去黑心貳兩

犀角鎊 甘草炙剉各壹兩 梔子人壹拾枚

右六味麤搗篩每五錢匕水三盞煎至一盞半去滓

下紫雪一錢匕分溫二服以利下三兩行為度仍用

前黃連湯塗瘡腫上

治乳石發熱生瘡麥門冬湯方

麥門冬去心焙 甘草炙剉 桂去麤皮各壹兩半



人參壹兩

右四味麤搗篩每五錢匕水三盞入葱白二莖煎至一盞半去滓內豉二合更煎三兩沸去滓分溫二服早晨午時至晚各一

治乳石發動表裏俱熱身體生瘡或發癰癢大小便不利知母芒消湯方

知母焙

甘草炙剉各壹兩

梔子人貳棗

大黃剉炒肆兩

黃芩去黑心貳兩

右五味麤搗篩每五錢匕水一盞煎至一盞半去滓入芒消末一錢匕更煎三兩沸分溫一服

治乳石發兩股生瘡熱痒兼頭痛麥門冬湯方

麥門冬去心焙

知母焙

澤瀉

甘草炙剉各壹兩

粳米伍合

右五味麤搗篩每五錢匕先以水五盞煎小麥二合竹葉二十片至三盞去滓下藥末重煎至一盞半去滓分溫二服空心日晚各一

治乳石發動體上生瘡結氣腫痛香豉飲方

豉半

葱白壹握切

右二味以水二盞半煎至一盞去滓溫服至三四劑治乳石發動煩熱脹滿身體生瘡甘草湯方



甘草炙麻黃去根節

右二味以水二盞酒半盞煎取一盞半先以火徧炙

背令熱欲汗出即熱服之以衣覆臥須臾大汗出即

差

治乳石發動生瘡熱氣衝胸葱白湯方

葱白參莖切梔子人擘碎豉合

右三味以水三盞煎至二盞去滓分作三服早晨午

時至晚服之

治服乳石患瘡腫方

右無問大小或如粟米則加意藥之或井水淋或鹽

湯洗或以指撻破即以指甲細搯旁邊又以唾敷塗之或以蒼耳湯浸洗之或以冷石恣意熨之以差為度

治乳石發動脚指生瘡者為屨襪太溫方

右當以脚踐冷地以冷水洗之即差

乳石發口舌瘡爛

論曰乳石發口舌瘡爛者以食飲不時穀氣不足石性暴烈其熱乘於心脾也脾主口心主舌熱積而瘡瘡甚而爛復不得食則熱極可知解之之劑不可緩也

治乳石發體熱煩悶口中瘡爛表裏如燒痛不能食梔



子人湯方

梔子入枚拾

黃芩去黑心

人黃剉炒各

豉合貳

右四味麤搗篩每服五錢匕水一盞半入香豉一合

煎至八分去滓食前溫服

治乳石發動口中傷爛舌強而燥不得食味者為食少

穀氣不足藥氣積在胃脘故也宜香豉湯方

豉半

萎蕤

甘草炙剉各

黃蘗去麤皮

蜜炙剉

麥門冬去心焙

各壹兩

右五味麤搗篩每服五錢匕水一盞半煎至八分去

滓溫服日再

治乳石發頭項煩痛胸脇脹滿寒熱手足逆冷或口生

瘡爛或乾嘔惡聞食氣上氣欲絕前胡湯方

前胡去蘆頭

芍藥

大黃剉

甘草炙剉

黃芩去黑心

各貳兩

右五味麤搗篩每服五錢匕水一盞半棗五枚擘破

煎至八分去滓溫服日再若氣實者加茯苓去黑皮

一二兩胸滿塞者加枳殼去瓤麤炒一兩吐逆胸中冷

者加乾薑炮二兩口燥者加麥門冬去心焙二兩增

減以意量之



治乳石發食飲失度口中發瘡漱黃芩湯方

黃芩去黑心 石膏碎五兩 甘草炙

升麻各貳兩

右四味麤搗篩每服五錢匕水一盞半煎至八分去

滓放冷用漱口一日十徧喉咽有瘡稍稍嚥之

治乳石發動口舌生瘡鉛霜散方

鉛霜研 白礬燒 黃蘗去麤皮蜜

麝香研壹錢

右四味搗研為散每用半錢匕摻瘡上有涎即吐之

治乳石發口瘡黃蘗湯方

黃蘗去麤皮蜜 龍膽壹兩 黃連去

升麻各壹兩

右四味麤搗篩每服五錢匕水一盞半煎至八分去

滓時時含嚥

治乳石發動口舌生瘡龍腦散方

龍腦錢半 鉛霜 滑石各壹分

右三味各研為細末和勻每用一字摻瘡上吐涎差

治乳石發腹內胸中悉有瘡升麻湯方

升麻壹兩 烏梅拾枚去 黃芩去黑

黃連去 栝樓根 甘草炙各



右六味麤搗篩每服五錢匕水一盞半煎至一盞去滓細細含嚥日三四服

治乳石發動口舌生瘡連頰腫痛升麻散方

升麻

防風去

甘草炙各半兩

雞腸草分

芎藭

大青各壹分

右六味搗羅為散每先於瘡腫處針出惡血鹽湯漱後用藥半錢匕貼瘡上日三

治乳石發動口舌生瘡浮萍丸方

乾浮萍草

升麻

黃藥

鉛丹炒研各半兩

大右四味搗研為末鍊蜜丸如雞頭實大每服一九會化嚥津



續金一百八十三

三十五

大德重校聖濟總錄卷第一百八十三

